

Монах Герман (?–1682)

Ангелскую днесь вси радость,
человеческую сладость,
Приидите, возвеличим
и о дни сем вси услышим.
Аллилуия, аллилуия, аллилуия.
Сей святой нареченный день,
в он же Христос возврати плен,
Прежде лестию плененный,
ныне же крестом спасенный.
Аллилуия, аллилуия, аллилуия.
Сына едиnorodного,
отцу сопрестолнаго
И святому духу купно,
пребывающу несмутно.
Аллилуия, аллилуия, аллилуия.
Воскресшаго днесь от мертвых,
не разрушшаго уз тленных,
Радуйтеся вещавшаго
и печаль всю разрушшаго.
Аллилуия, аллилуия, аллилуия.
Тем новаго винограда,
елика добрая чада,
Духовно возвеселимся,
агнцем святым учредимся.
Аллилуия, аллилуия, аллилуия.
Господа славяще ясно,
елико мощно и гласно,
Рай нам ныне отверзшаго,
мертвых всех воскресившего.
Аллилуия, аллилуия, аллилуия.
Ангелов царя поюще,
на слышание зовуще,
Еже вняти молитвы глас,
свободити отца всех нас.
Аллилуия, аллилуия, аллилуия.
Иже в житии сем сущих,
его пастырства жаждущих,
Напасти zde избавити,
а онде мук свободити.
Аллилуия, аллилуия, аллилуия.
Пастыря и всех пасомых
извести в место питомых,
Со святыми купно быти,
ангелом вечно сожити.
Аллилуия, аллилуия, аллилуия.